

Si mama mi diat pedire..

Si mama mi diat pedire
una domo in ue pasare, bi la dia
fraigare subra a unu monte,
a curtzu a una bidda gratziosa,
ma no a curtzu meda,
pro non nde intèndere su burdellu.
Bi la dia fraigare intro a unu
buscu,
in cussa manera su manzanu
cando si nd'ischidat si lugat de sa
lughe chi passat in mesu a sas
fozas e
nch'intrat dae sa ventanedda a
curtzu a su letu.



Si mama mi diat pedire..

E bi dia pònnerre in s'aposentu
unu letu cun tramatas de
pumas e

sas mantas de fozas chi sa
natura at dadu in donu.

E bi dia pònnerre una tzimineia
pro s'iscardire cando at fritu,
e una
mesa bene aparitzada de totu
su chi cheret.



Si mama mi diat pedire..

E, pro sa mama, dia fàghere
un'aposentu pro totus sos
mistèrios
suos, in ue li dia fàghere
agatare unu muntone de
regalos pintados pro issa.



Si mama mi diat pedire..

A curtzu a sa domo, in
mesu a sos àrbores de su
buscu, dia

chèrrere chi b'apat
un'àrbore cun unu nidu de
puzones chi cando
mama lu disizat, li cantent
una ninnia pro la fàghere
dormire bene.

Poi li dia regalare unu
caddu cun sas alas, gasi chi
potat andare a in ue apat
piaghere e disizu.

Si mama mi diat pedire..

E sigamente no isco prus
ite àteru pònneru in sa
domo de sos
bisos, li dia dare una
bacheta màgica pro chi
potat àere totus sos
disizos chi cheret issa.

Mama, in una domo gasi,
non mi podes prus narrere
chi ses istraca.



REGIONE AUTONOMA DE SARDIGNA
REGIONE AUTONOMA DELLA SARDEGNA

Progetu "Sa Limba de su Coro"

Bandu TuLis, annualidade 2024

*Finantzia dae sa Regione Sàrdigna
cun sa L.482/99 e cun sa L.R. 22/2018*

